

دائرة مخصوصه

درسعادتده باب عالی جوارنده

محل اداره :

مشارع القيم

اخطار :

مسلكمزه موافق آثار جديده مع المنوئيه
قبول اولنور

درج ابدلهين آثار اعاده اولنور

دينه، فلسفه، علوم، حقوق، ادبياتده و سياستده و بالخاصه كرك سياسي و كرك اجتماعي و مدني احوال و مشوره اسلاميه و ده بحث ايدر و هفته ده بر نشر اولنور.

آبونه بدلي

سنه لكي التي آيلني

ممالك عثمانيه	ايچون	۸۰	۴۰	غروش
روسيه	»	۶۰۰	۳۰۰	روبله
سائر ممالك اجنبيه	»	۱۷	۹	فرائق

صاحب و مؤسسلري :

ابوالعلا زين العابدين - ح . اشرف اديب

تاريخ تأسيسي

۱۰ تموز ۳۲۴

درسعادتده نسخه سي ۵۰۰ پاروددر

قيرله دن مقوا بورو ايله كوندريليرسه سنوي
۲۰ غروش فضله آلنير

عدد : ۶۴

۱۱ ذی القعدة ۳۲۷ پنجشنبه ۱۲ تشرين ثاني ۳۲۵

اوجنچي جلد

آنی وضع ایتشیدی که اورفعده هر مجد و سیاده ایما وار . رسول اکرم
دنیا به کلدیکی زمان سر سعادت جانی سایه رفع ایتشیدی و بونده
ذات رسالتناهیترینک هر صورتله اولوغنه وقدر والاسنک هیچ بر
فرد میسر اولماش درجه علو و رفعته رمز و اشارت وار ایدی .



ابو سید حضرتلرینک روایتی اوزره جناب آمنه دیدی که رسول
اکرم حین ولادتنده وجودمدن آیرلدینی ائنده بندن برنورچیقوب
اکا مشرق و مغربک مابیننی روشن و تابدار قلقدن صکره الاری
اوزرینه طیانهرق یره دوشدی ، بعده بر آوج طوپراق آلوب طوتدی
وباشنی سایه رفع ایتدی .

بیانه اعراب و لغات :

[رافعاً] اولکی پنده کچن [اذ وضعته] ده کی مفعولدن حال . [رأسه]
اشبو حالک مفعولی وجله [رافعاً هو رأسه الى السماء] تقدیرنده در . [وفي
ذلك الرفع] مقدم خبر ، [ايماء] انک مبتداسی . [الى كل سودد] مبتدایه
متعلق . سینک ضمیله [سودد] اولولق معناسنده در .

رامقاً طرفه السماء و مری

عين من شأنه العلو والعلاء

اومولود مکریمک چشمی سایه نظر خفیف ایله ناظر بولندینی
حاله مادر محترمی آنی وضع ایتشیدی که شانی علو و رفعت اولانک
هدف چشمی علادر رسول اکرم صلی الله علیه وسلم افندمن پیرایه
عالم شهود اولدینی هنکامده سایه نیم عطف لحاظه ایلمکده ایدی که
مقصودی اعتلا اولانک هدف چشمی غایت نظری عزو علا اولدینی
جهتله بونیم لحاظه اونوزاد مکریمک قصدی درجات علیه اولدیغنه رمز
و اشارت ایدی . خلاصه جناب آمنه رسول اکرم افندمنی وضع
ایلدیکی زمان اومولود محبتی رأس مبارکنی سایه رفع ایتش و سمت
آسمانه نیم نکران اولمش ایدی که بونک سری اونوزاد ، غایت نظری
عزو علا برسید کائنات اولدیغنه رمز و اشارت ایدی .

بیانه اعراب و لغات

[رامقاً] بوده [وضعته] نك مفعولدن حالدر ، بوقصدیرجه احوال
متراصفدن اولور ، و یاخود [رافعاً] لفظنک ضمیرندن حالدر ، بوصورنده
احوال متداخلدن اولور . راقی رمقدن اسم فاعلدر . رمق : باب اولدن
رانک فتی و میمک سکونیه برشیته نظر خفیف ایله بافق معناسنده در . [طرفه]
فاعلدر و طرف : صرف وزننده کوز معناسنه مفرد اولوب جمی یوقدر ،
[السماء] مفعول . [و مری] مبتدا اولوب خبری [العلاء] در . [عين]
مرمانک مضاف الیهی . [من] موصول وعینک مضاف الیهی . [شأنه العلو]
مبتداء و خبردن مرکب صله در . مری : اسم مکان و اوق نشانکاهی معناسنده در ،
بوراده کوزک منتهای نظری مراددر . شأن : شینک فتی و همزه نك سکونیه
قصد معناسنده در . شارح قاموس دیورکه همزه نك الفه قلبی ایله [شان] السنه ده
متداولدر . انتهى . شأن حال و شان معناسنده کلور ، کلام ناظمی بومعنایه ده
حمل ممکندر . علو : ارتفاع و اعتلا دیمکدر . علاء : فتح و مد ایله رفعت
و شرف معناسنده در ، رتب عالیه معناسنه اولهرق عینک ضعی والفک قصریله
قرائت ایتکده جائزدر .

برکت زاده : اسماعیل هفتی

بوکنج کندی کندینه ، اکر پارسه کیدرده حکومتدن جبل
لبنانده بویله مکتبلر تأسیسی ایچون معاونت طلب ایده جک اولورسه
موفقیت حاضردر ، دیهرک ۱۸۸۴ سنه سنده پارسه کیمش . اوراده
سوریه اذ کباسندن اولوب فرانسه جه ایشی پک یولنده کیدن بریلدیکنه
ملاقا اولمش . نه مقصدله کلدیکنی حکایه ایدرک حکومتدن طلب
معاونت خصوصنده توسط ایلمنی رجاده بولمش . بوذات برخیلی
اوغراشدندن صوکره آرقداشنک یاننه کله رک : « سنک تصورک
خیالدن بشقه برشی دکل ایشی واقعا فرانسه حکومتی جزویتلری
ملککتن قوغیور ، کلیسانک نفوذنی محو ایچون اوغراش یور .
لکن خارجده کی سیاستی صرف دینیدر . بو حقیقی وطنکده کی
جزویتلری حمایه ایتمسندن ، اولره معاونت نقدیه ده وسائرده
بولمسندن ده اکلایه بیلیرسک . اکر جبل لبنانده دینی مکتبلر آجق
ایسترسک اسعاف مسئولک قولایدر . یوقسه بر آن اول دونوب
کندی ایشکله مشغول اولمایه باق . » دیمش .

ایشته بوزواللی کنج برمدت فرانسه ده دولاشهرق جیننده کی
پارهنی کاملاً بیتیردکن صوکره خائب و خاسر ملککتنه دوندی .
همده عودتی تأمین ایده جک کیمسه بولندی ده بزم دوستلریمزک
مرحمتنه التجا ایتدی . حتی آرقداشنک شیمدی نقل ایتدی کم
سوزلرنده حاضر بولندیم کبی کندیسنه یاردم ایدنلره بنده اشتراک ایتدم .
ایشته بر مسلمان ، قوتی تشکیل ایدن شو صایدیغمز اساسلری قطعی ،
ثابت بر عزیم ایله استحصاله چالیشمازسه هم قرآنه ، هم حضرت صدیقک
سوزینه مخالفت ایتش . همده هانوتونک لومنه اظهار استحقاق ایش
اولور ، قیامته قدرده آوروپالیرله ائتلافه یول بوله باز .

شیمدی بنم بو وزیرایله دها ایکی امر مهم حقنده قونوشمام ایجاب
ایدیورکه اولکیسی مسلمانلرک شو صوک زمانلرده کی حرکاتنه باقهرق
بوندن بر اتحاد اسلام فکرنی ، سیاسی ، دینی هر ایکی قوتک بر شخصده
جمعی تصوری استمزاج ایتسیدر ؛ دیکری ایسه کندیسنک اوتنه کندن ،
بریکندن طویدیغنی سوزلر اوزرینه ، مسلمانلرک آوروپا سیاستنه ،
دها طوغروسی بوتون خرسیتیانلره قارشى سوء ظنده بولندیغنه ،
حتی درجه افراطه وارد دقلری بواعتمادسزلقدن طولانی نه قدر
اخلاص ایله چالیشیرسه چالیشسون برعنائی خرسیتیانه هیچ برایش
تودیغ ایتدیکنه ذاهب اولسیدر . بن بو خصوصده کی مطالعاتی
دیکر نسخیه براقیورم .

محمد عاکف

مِنَاقِبِ سَيِّدِنَا

— مابعد —

رافعاً رأسه وفي ذلك الرف

ع الى كل سودد ايماء

اومولود مکریم رأس مبارکنی سایه رفع ایدر اولدینی حالده والذهبی